

## Qisadii| Nabi Ayuub (cs)



Nabi Ayuub CS, wuxuu ilaahey ku maneystay Toddoba Wiil iyo Todobo Gabdhood, Maal faro badana Gacanta ayuu ka saaray, Asxaab badan ayuu lahaa. Rabbi Wuxuu doonayay inuu Adoonkiisa imtixaano, Dadka ka dambeeyana uu tusaale ugu noqdo.

Waxaa hal mar Dhulka gashay Badeecadiisii, Saddex maalin gudahoodna waxaa lakala Aasay Dhammaan Caruurtiisa, isagane waxaa lagu soo tuuray Xanuun aan Nuuciisa oo kale Adduunka hore u soo marin, ilaa uu Guriga ku soo Aruuray, socodkiina gabay.

Dadkii dhamaa wey ka kala yaaceen, markuu ku ziyaaday Xanuunka Dadkii Magaalada waxey isku Waafaqeen in Magaalada laga saaro [Karantiil] si uusan Cudurka haayo Dadku ugu daaranin.

Sidii ayaa la yeelay oo Magaaladii waa laga saaray, Waxaa ku soo hartay Raxmo oo aheyd Xaaskiisa, wey u Khidmeyn jirtay ilaa uu Xaalka soo gaaro iney dadka Magaalada u Shaqeyso, si wixii ay Maalintaas soo hesho Nabiga ku quudiso.

Nabi Ayuub Xanuunkaa wuxuu hayay 18sano isagoo ku Sabarsan, cidna Wax uma sheegan, Korkiisa Quruxda badnaa Waxaa Hilib ka waayay Tirxiga Wax kale iska daaye Keliya Carrab iyo Maqaarka ayaa Jirkiisii dhamaa ka soo haray.

Xaalkii markuu sii akirmay waxey Xaaskiisi ku tiri:- Haddaad Alla baryi laheyd si uu Xanuunkaan kaaga qaado wey fiicnaan laheyd.

Nibigu wuxuu ku yiri:- 80 sanno ayaan Barwaaqo ku jirnay, sidaasi darteed waxaaan ka Xishoonaa inaan ilaahey Caafimaad weydiisto ayadoon Gaarin inta ay Barwaaqadeydu gaarsiisneyd Xanuunkeyga.

Malmo ka dib Dadkii ay u shaqeyneysay ayaa ka Cabsaday in Gabadhaan Cudurka Ninkeeda qabo ayaga u soo gudbiso, dhamaan Dadkii wey iska soo buriyeen.

Raxmo Maalintaa waxey hayso ma leh, gurigiina wax ay kula noqoto ma jiro, waxey go'aansatay iney qeyb ka mid ah Timaheeda jarto, ka dib iibiso.

Nabi Ayub wuxuu weydiyay Halkeed ka keentay Raashiinka (Waxaa la yiri maalinta ka hor ma weydiin jirin waxey keento ee wuu iska cuni jiray), Uma aysan jawaabin.

Maalintii Xigtay haddana waxey beecisay Qeybtii kale ee timaheeda, kolkii ay Guriga timid Madaxeeda waxaa daboolka ka qaaday Nabiga Ayuub, wuu ka naxay aad ayuuna u tiiraanyooday mar haddii Xaalku Halkaa gaaray.

Weli wuxuu ka Xishoonayaa inuu Allaah weydiisto Caafimaad sida aad ku aragtay Qur`aanka wuxuu yiri:-

"ربي اني مسني ضر وانت ارحم الراحمين"

Waa laga Ajiibay, waxaana lagu yiri:-

"اركض برجلك هدامغتسل بارد وشراب"

Lugahaaga Dhulka ku dhufo. Kani waa Biyo Cabid iyo Qubeysba ah.

Biyihii ayuu ku Qubeystay, wuuna Cabay.

Wuxuu ku soo baxay bidii Qof aan Weligiis Xanuunsan oo kale.

Waxaa u timid Xaaskiisii wey Aqoonsan weyday kani inuu Nabi Ayuub yahay, Quruxda ka muuqato darteed.

Waxey Ku tiri:- Aaway Ninkii jiranaa ee halkaa yaallay, ilaahey  
baan ku dhaartaye aad buu kuugu ekaa markuu Caafimaad qabay.  
Wuxuu yiri Hadda ima garanaysid miyaa? waxaan ahay Seygaada  
Ayuub.

Ibnu cabaas wuxuu yiri Caafimaad keliya lama siin, xitaa waxaa  
loo soo celiyay Owlaadii iyo Maalkii ka baaba'ay, Xaaskiina Timo  
kuwii hore ka fiican oo Dhaadheer ayuu Allah u hibeeyay.

Haweeneydii iyadane wuxuu Allaah ku soo celiyay  
Dhalinyarnimadeedii oo waxey sidaa ku dhashay 26 Caruur, oo  
aan mid Dhicis ah ku jirin.

Waxaa Qoray:- Anas Maxamed siciid